



QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 19. Decembris. 1677

M. RAYMUNDO VASLET

DOCTORE MEDICO, PRÆSIDE.

An cardiaca purgantibus commiscenda?

I.

IN affectibus, quos purgatio sanat, Caput artis est humorem funditus subducere, ne morbus ab eo reviviscat: haud eò tamen sic se totum medicus intendit, ut quæ salutaria sunt, grata tutaque præbere sit nefas, & quod cathartici nocentius inest partim imminuere, vehementiora leniendo, vel blandiorum permixtione temperando. Verum quidquid comminiscatur medicus, ut purgandi difficultatem elevet, tota sæpe devoranda. Epoti medicamenti, & agitata ab illo impuritatis, per stomachum, per lactes, per alvi vortices euntis morsus acerrimi, perpeffu ardui. Adde in ipso purgationis æstu varias partes variè tentari, caput vertigine, sonoribus, stomachum nausæâ, cordolio, ventrem torminibus, assidua desidendi necessitate, universum corpus virium deliquio: inter hæc ægri exclamant, medicum compellant. Ecquid consilii ferat? Quò tardum nimis anxie purgationis exitum acceleret & cathartico con-

cussas vi res sustentet, qui hæc duo paulò ante mox se præstiturum re-
promisit cum cardiaca catharticiis commiscuit.

II.

CARDIACA veteribus non nominata magis quam usurpa-
ta, sequior ætas in medicinam intulit, hepaticorum, splenico-
rum, & similium appellationem imitata, usus consilio & eventu
non dissimili; hæc enim, ut illa, nulla vis commendat, appellanti cu-
randæ parti propriè & unicè conveniens, quæque ullo medendi suc-
cessu seorsim innotescat, sed jactata passim arcana quamvis in arte
nulla, & remedia sanandarum partium nomine insignia, credulâ
ægrorum suffragatione sic invaluerunt ut cum præcipuis medicinæ
auxiliis salubritate contendant, & malignis in febris sæpe cardia-
ca virus foras evocandi decertatâ potestate laudem dividere, quam
sola nullam tulissent uni venæ sectioni tribuendam. Magna est in me-
dicina erroris fecunditas. Cardiaca non solum morborum, sed etiam
remediorum medelæ facta sunt, & fato in dies meliori, quæ alio de-
stinata à purgantium commercio longe semota jacebant, hodie illis
confociantur. Jam lapillis & unionibus pretium accendit, non splen-
doris, vel operis, sed virtutis admirabilitas, quæ cordis sospes, me-
dicamentorum emendatrix, purgationi præficitur, catharticum re-
ctura imperiò, cujus vires ad arbitrium vel præsentia mitiores præ-
beat, vel si recesserit, vehementiores, neque sine damno profuturas
sinat in corpus irrumpere.

III.

ECCE adsunt ad purgationem signa, & omnibus ritè peragen-
dis occasionis superbiam inescavit medicus; atque ut tutius &
efficaciùs purget, diffusæ potionis plures impingit cyathos. Quid
rum cardiaca purgantibus immixta poculis? Stomacho turbulentos
haustus faciunt, & odore bono, quo solo prodesse possent, insitam
purgantium insuavitatem tristius acuunt diutius vomituriente agro.
Conceptum alvo catharticum altius se insinuavit, & coactam undi-
que bilem, pituitam, serum nullo discrimine in communes corporis
vias compellit, magno sæpe quidem excutientium se se partium tu-
multu, alta interim otia servantibus cardiacis: quorum vis majori
cathartici virtute sic obruitur ut nulla compareat, aut iniquis passi-
bus secuta, nihilò promovendæ aut absolvendæ quam inchoandæ
purgationi utilior, aut comprimendis quæ suboriuntur symptoma-
tis ubique supervacanea perstat. Re perfectâ, & exacto humore
noxio, vires, quid magnum enixæ, sustinendæ sunt, ne penitus ruant.
Præterea catharticum nisi arte, vel naturâ mituerit semper infen-

sum: si quid sui, si quid humoris reliquum fecerit quamprimum eluendum est: hæc omnia integra futura sunt, medicamenta *ὁμοίωμα* miscenti. Cui castigandi cathartici ars ita constiterit, næ ille multas è purgatione molestias subduxerit, neque à cardiacis adversus purgantia munimentum quæret partibus, aut quicquam ab illis ducet, quò debilitatis viribus prospiciat. Medicamento vires corroborari ægri optantis votum est, non medentis consilium, sola quæ vires servant, amissas restituunt, à quibus cardiaca immenso & prope majori quam purgantia discrepant intervallo.

IV.

PARUM diverso è penu purgantia depromuntur, & quæ purgantia mitigant; ex utroque genere optima, nullâ terrarum altitudine defossa latent. Sub dio posuit Deus, atque in vegetantium sylvam conjecta, quæ prudens peritaque manus legerit, fidens & salutaris impertiet. Male adeo compilatas scriniorum opes conterit medicus, ut purgationis incommoda sublevert. Ad rectam purgationem sinaragdi, aurum, hyacinthi, & pretiosa ejusmodi vilesunt. Rus & mensa præsto sunt & copiosa in iis purgantium lenimenta: hic alimenta abundant, quorum ductu cathartica blandiùs obrepunt, quam cardiacorum comitatu; illic mitiores radices, herbar, semina, quorum decocta, quo simpliciora eo sinceram magis purgantium vim relatura, hanc dum diluunt mitiorem efficiunt. Cætera cardiaca quæ virentis telluris è sinu carpit vulgus medicum quâ prosunt, sive arcendâ putredine, sive difflando sanguine, eximiam illam & famosis antidotis attributam exhilarandi cordis, vel corrigendi cathartici autoritatem locupletius refellunt, nam ut cathartici se se immisceant confestim à cardiacorum genere, & munere desciscunt.

V.

CATHARTICA atque cardiaca male icto fœdere conjunguntur, quorum diversæ vires, & aliæ procul ab aliis tendentes nunquam in unum finem possint dirigi. Catharticum exacte præscriptum naturam æmulatur, purgationis authorem & ducem: nam à remotis & angustioribus viis humorem in patentiores, & solenni excrementorum comportatione notas paulatim seducit, ut hinc in alvum & foras mittat. Contra vis cardiacis affingitur, quæ à corporis penetralibus exorsa, in ultimam & extimam oram abeat. Ea demum ab omni parte beata purgatio succedit, quæ perfluo, quâ convenit ad purgandum corpore, susceptâ, pristinum reddit visceribus nitorem, & nulla præterlapsæ impuritatis, aut ducentis eam me-

dicamenti vestigia relinquit. Eὐπορίαν præstandæ leges nescit, qui inter purgandum cardiacis impetrandam committit, quæ antè purgationem solâ cicurandi humoris, & victus ratione obtinenda fuit. Tandem cardiaca neque catharticum adjuvant, neque leniunt, cum quo nulla medendi facultate conveniunt: eadem humoris decursu, aut purgantium transitu, excitatam labem non temperabunt viribus, & temperatione emendandis partibus dissimillima, quæ adeo si cathartici immiscenda sint, ægris ita volentibus, pauca medici prudentiam, nulla incorruptam in medendo fidem repræsentant. At medicum prudentem æquè, & in omnibus fidelem esse præstantius.

Ergo cardiaca purgantibus non commiscenda.

DOMINI DOCTORES DISPUTATURI.

M. Petrus Ozon.

M. Guillelmus Lamy.

M. Petrus Yon.

M. Antonius de Saint-Yon.

M. Claudius de Quantal.

M. Claudius de Frades.

M. Nicolaus Lienard.

M. Philippus Douré.

M. Nicolai Morin.

Proponebat Lutetiæ MARCUS-ANTONIUS HELLOT,
Parisiinus, A. R. S. H. MDCLXXIII.

1673

P A R I S I I S,
Ex Typographiâ FRANCISCI MUGUET, Regis ac Illustriss.
Archiepiscopi Typographi.